

通

紀

通紀卷第十五

五代

周太祖

世宗

恭帝

承龍附

僭逆附

太祖姓郭氏諱威字仲文邢州堯山人或云本常氏之子幼隨母適郭氏故冒其姓廣順初追尊高祖璟為睿和皇帝曾祖諶為明憲皇帝祖蘊為翼順皇帝皇考諱簡為章肅皇帝母章德皇后王氏載誕之夕赤光照室有聲如爐炭之裂星火四迸帝生三歲家徙太原居無何皇考為燕軍所陷歿於王事帝未齠亂章德太后早世姨母楚國夫人韓氏提攜鞠養及長形神魁壯趣向奇崛愛兵好勇不事田產天祐末洛州節度使李嗣昭常山戰歿子繼韜自稱留後南結梁朝據城阻命乃散金以募豪傑帝時年十八

避吏壺關依故人常氏遂往應募帝負氣用剛好鬪  
多力繼韜奇之或踰法犯禁亦多假借焉常遊上黨  
市有市屠壯健衆所畏憚帝以氣凌之因醉命屠者  
割肉小不如意叱之屠者怒坦腹謂帝曰爾敢刺我  
否帝即割其腹市人執之屬吏繼韜惜而逸之其年  
莊宗平梁繼韜伏誅麾下牙兵配從馬直帝在籍中  
時年二十一帝性聰敏喜筆札及從軍旅多閱簿書  
軍志戎政深窮繁肯人皆服其敏嘗省義兄李瓊  
瓊方讀閩外春秋即取視之曰論兵也兄其教我即  
授之深通義理天成初明宗幸浚郊時朱守殷圍安城  
拒命帝從晉高祖一軍率先登城晉祖領副侍衛以  
帝長於書計召置麾下令掌軍籍前後將臣無不

倚受初聖穆皇后柴氏嬪于帝帝方匱乏而后多資  
從帝常晝寢有小虺五色出入顙鼻之間后遽見愕  
然在太原時有神尼與帝同姓見帝謂李瓊曰我宗  
天上大仙頂上有肉角當爲世界主清泰末五日祖起  
于河東時河陽節度使張彥琪爲侍衛步軍都指揮  
使奉命北伐帝從之營於晉祠是時屋壞同處數人  
俱斃唯帝獨無所傷漢高祖爲侍衛馬步都虞侯召  
置左右所居官舍之鄰吳氏有青衣佳娘者爲山魃  
所魅鬼能人言而投瓦石鄰伍無敢過吳氏之舍者  
帝過之其鬼寂然帝去如故如是者再或謂鬼曰爾  
既神向者客來又何寂然鬼曰彼大人也由是軍中異  
之漢祖累鎮藩閩皆從之及鎮并門尤深待遇出

入惟幄受腹心之寄帝亦悉心竭力知無不爲開運  
末契丹犯闕晉帝北遷帝與蘇逢吉楊邠史宏肇等  
勸漢祖建號以副人望漢高祖即位於晉陽時百度  
草創四方猶梗經綸締構帝有力焉漢高祖至汴授  
樞密副使檢校太保漢高祖大漸與蘇逢吉同受顧  
命隱帝嗣位拜樞密使加檢校太尉舊制樞密使未  
加使相者不宣麻制至是宣之自帝始也有頃河中  
李守貞據城反朝廷憂之制授帝同平章事即遣西  
征乾祐元年八月帝發京師至河中命白文珂營於  
河西帝營於河東不數日周設長塹復築長連城以  
迫之帝在軍居常接賓客與大將譙語即褒衣博帶  
或遇巡城壘對陣敵幅巾短後與衆無殊臨矢石冒

鋒刃必以身先與士伍分甘共苦稍立功効者厚其賜  
與微有傷夷者親自循撫士無賢不肖有所陳啓溫  
顏以接之俾盡其情人之過忤未嘗介意故君子小  
人皆思効用守貞聞之深以爲憂二年正月李子守貞  
遣將王三鐵領千餘人夜突河西砦爲劉詞等力戰  
敗之五月敗河西砦主周光遜以此砦及部衆千餘人  
來降十七日下令攻城會西北大風揚沙晦暝帝令禱  
河伯祠奠訖而風止自是晝夜攻之七月帝率將士  
奪賊羅城城陷守貞舉族自焚而死帝前夢見河  
神告曰七月下旬上帝當滅守貞之族至是收復賊  
壘城中人言見帝營上有紫氣如樓閣華蓋之狀  
八月帝自河中班師九月加檢校太師兼侍中十月契

丹入寇前鋒至邢洛貝魏河北告急帝受詔率師赴北邊以宣徽南院使王峻為監軍帝至邢州遣王峻前軍趨鎮定時契丹已退帝大閱欲臨寇境詔止之二年授鄴都留守帝至鄴盡去煩弊之事不數月閭政有序一方晏然詔書褒美一夕在山亭院齋中忽有黃氣起於前上際於天帝於黃氣中見星文紫微文昌爛然在目既而告知星者曰予於室中見天象不其異乎對曰坐見天衢物不能聞至貴之祥也異日又於牙署中有紫氣起於樞竿龍首之上凡三日十一月群小等言史宏肇等前一夕李子業等遺腹心賫密詔至澶州令李洪義殺王殷又令護聖拍揮使郭崇等言帝于鄴城餘事見漢隱帝篇乾祐

四年正月漢太后詔奉符寶授監國可即皇帝位帝  
自棗門入大內御崇元殿即位改元廣順建國以大周  
爲號司天上言今國家建號以木德代水准經法國  
以姓基爲臘請以未日爲臘從之時議者曰昔武王  
勝殷歲集于房國家受命金木集于房文王厄美  
里而卦遇明夷帝脫于鄴大衍之數復得明夷則周  
爲國號符於文武矣先是丁未年六月土金木火四  
星聚于張占者云當有帝王興于周者故漢祖建  
國由平陽陝口趨洛陽以應之及隱帝將嗣位封周  
王以符其事而帝以姬號之由復繼宗周而天人之  
契炳然矣昔武王以木德王天下宇文周亦承木德  
而三朝皆以木代水不其異乎有司議立四親廟



從之十月宰臣王峻獻唐張蘊古大寶歲謝偃惟  
皇誠德賦二圖詔報其所進圖已令於行生處張懸  
所冀出入看讀用為鑒戒詔併三銓為一銓委本司長  
官通判詔改鹽麴犯五斤以上處死煎鹽者犯一斤  
以上處死先是漢法不計斤兩多少並處極刑至是  
始革之三年內製國寶兩座詔中書令馮道書寶文  
其一以皇帝承天受命之寶為文其一以皇帝神寶  
為文按傳國寶始自秦始皇令李斯篆之歷代傳  
授事具前史至唐末帝自燔之際以寶隨身遂俱  
焚焉晉高祖受命特製寶一座開運末北戎犯闕  
少帝遣其子延煦送于契丹主契丹主訝其非真少帝上  
表具訴其事及契丹主北歸賁以入蕃漢朝二帝未暇

別製至是始創爲之四年改元顯德正月帝不豫崩年五十一在位三年謚曰聖神恭肅文武孝皇帝廟號太祖葬高陵

世宗諱榮太祖之養子聖穆皇后之姪本姓柴氏父守禮太子少保致仕帝年未童冠因侍聖穆皇后在太祖左右時太祖無子家道淪落以帝謹厚故以庶事委之帝悉心經度費用獲濟太祖甚憐之乃養爲己子漢初太祖以佐命功爲樞密副使帝始授左監門衛將軍廣順元年太祖踐祚授澶州節度使檢校太保封太原郡侯帝在鎮清肅盜不犯境三年帝入覲封晉王顯德元年加檢校太尉兼侍中判内外兵馬事時太祖寢疾彌留士庶憂沮及聞帝總内

外兵柄咸以爲慚太祖崩羣臣奉帝即皇帝位三月潞州奏河東以劉崇入寇車駕取今月十一日親征十八日至澤州既晡帝御戎服觀兵於東北郊距州十五里夜宿於村舍十九日崩鋒與賊軍相遇賊陣於高平縣南之高原帝促兵以擊之崇東西列陣頗亦嚴整乃命李重進白重贊將左樊愛能何徽將右史彥超以精騎當其中張永德以禁兵衛蹕帝介馬觀戰兩軍交鋒未幾樊愛能何徽望賊而遁帝乃自率親騎臨陣督戰今上宋太祖也馳騎於陣前先犯其鋒戰士皆奮命爭先賊軍大敗日暮賊萬餘人阻澗而陣會劉詞領兵至與大軍迫之賊軍又潰臨陣斬賊大將張暉及偽樞密使王延嗣諸將分兵追

襲殪尸棄甲填滿山谷戰之前夕有大星如日流行  
數丈墜於賊營之上及戰北人望見官軍之上有雲氣  
如龍虎之狀則天之助順宜其然乎是日危急之勢  
頃刻莫保賴帝英武果敢親臨寇敵不然則社稷  
幾若綴旒矣高平之役兩軍旣成列賊騎來挑戰爰  
能望風而退何徽以徒兵陣於後爲奔騎所突即時  
潰亂二將南走帝遣近臣宣諭止遏莫肯從命皆揚  
言曰官軍大敗餘衆已解甲矣至暮以官軍克捷方  
稍稍而迴帝至潞州錄其奔遁者自軍使已上及監  
押使臣並斬之由是驕將墮兵無不知懼帝以何徽  
有平陽守禦之功欲代負其罪竟不可與愛能俱殺  
之皆給棺車歸葬監修國史李穀等上言曰竊以

自古王者咸建史官君臣獻替之謀皆須備載家國安危之道得以直書歷代已來其名不一人君言動則起居注創於累朝輔相經綸則時政記興於前代然後採其事實編作史書蓋緣聞見之間須有來處記錄之際得以審詳今之左右起居郎即古之左右史也唐文宗朝命其官執筆立於殿階螭頭之下以紀政事後則明宗朝命端明殿及樞密直學士皆輪修日歷旋送史官以備纂修及近朝此事皆廢史官唯憑百司報杖館司但取兩省制書此外雖有訪聞例非端的伏自先皇帝創開昌運及皇帝陛下繼嗣丕基其聖德武功神謀睿略而比日萬機宥密丹紫深巖非外臣之所知豈庶僚之可訪此後欲望

以諮詢之事裁制之規別命近臣旋具抄錄每當修撰日歷即令封付史臣庶國事無漏略之文職業免踈遺之咎從之因命樞密直學士起今後於樞密使處逐月抄錄事件送付史館十月己未大閱帝親臨之帝自高平之役觀諸軍未甚嚴整遂有退却至是命今上一條簡閱選武藝超絕者署爲殿前諸班因是有散員散指揮使內殿直散都頭鐵騎控鶴之號復置摠戎又有龍捷虎捷以降一選之老弱羸小者去之諸軍士伍無不精當由是兵甲之盛近代無比且減冗食之費焉二年以李子晏口爲靜安軍其軍南距冀州百里北距深州三十里夾胡盧河爲壘先是貝箕之境密邇北疆居常敵騎入寇涉

河而南馳突往來洞無阻礙北鄙之地民不安居帝  
乃按圖定策遣許州節度使王彥超曹州節度使韓  
通等領兵他徙築壘於李晏口以兵戍守功未畢勅再  
衆尋至彥超等擊退之及壘成頗扼要害自是敵  
騎雖至不敢涉河邊民稍得耕牧焉九月詔禁天下  
銅器始議立監鑄錢三年詔曰諸司職負皆係奏補  
當執役之際悉藉公勤及聽選之時尤資幹敏若非  
慎擇漸致因循應諸司寺監今後收補職役人並須  
人材俊利直言可採書札堪中自前行止委無訛濫  
勒本司關送吏部引驗人材考校筆札其中選者連  
所試書跡及正身引過中書餘從前後格勅處分仍  
每年祇得一度奏補詔漳河已北郡縣並許鹽貨通

商逐處有鹹鹵之地一任人戶前鍊四年詔懸制科凡  
三其一曰賢良方正能直言極諫科其二曰經學優  
深可爲師法科其三曰詳閑吏理達於教化科不限  
前資資見任職官黃衣草澤並許應詔時兵部尚書張  
昭條奏請興制舉故有是命五年賜諸道節度使刺  
史均田圖各一百唐同州刺史元禎在郡日奏均戶民  
租賦帝因覽其文集而善之乃寫其辭爲圖以賜藩  
郡時帝將均定天下賦稅故先以圖徧賜之六年樞  
密使王朴詳定雅樂十二律旋相爲宮之法并造律  
準上之六月以皇長子宗訓爲特進左衛上將軍封  
梁王以今上爲殿前都點檢加檢校太傅依前中  
武軍節度使帝之北征也凡供軍之物皆令自京運送



行在一日勿忽於通中得一木長二三尺如人之捐物者其上封全題云點檢做觀者莫測何物也至是今上始受點檢之命明年春果自此職以副人望則點檢做之言乃神符也癸巳帝崩於萬歲殿聖壽三十九甲午宣遺制梁王於柩前即皇帝位謚曰睿武孝文皇帝廟號世宗葬慶陵

恭帝諱宗訓世宗子顯德六年六月癸未封梁王癸巳世宗崩甲午內出遺制命帝柩前即皇帝位顯德七年春正月辛丑朔文武百寮進名奉賀鎮定二州馳奏契丹入寇河東賊軍自土門東下與番寇合勢詔今上率兵北征癸卯發京師是夕宿於陳橋驛未曙軍變將士大譟呼萬歲擐甲將刃推戴今上陞大位

扶策升馬擁迫南行是日詔曰天生蒸民樹之司牧  
二帝推公而禪位三王乘時以革命其極一也予末  
小子遭家不造人心已去國命有歸咨爾歸德軍節  
度使前都點檢趙口口稟上聖之姿有神武之略  
佐我高初格于皇天逮事世宗切存納麓東征西怨  
厥績懋焉天地鬼神享于有德謳謠獄訟附于至仁  
應天順民法堯禪舜如釋重負予其作賓嗚呼欽  
哉祇畏天命今上於是詔崇元殿受命百官朝賀而  
退制封帝爲鄭王以奉周祀正朔服色一如舊制奉皇  
太后爲周太后皇朝開寶六年春崩于房陵  
今上聞之震慟發哀成服於便殿謚曰恭皇帝陵曰  
順陵遣中使監護其喪以十月歸苑升世宗慶陵之側

古周太祖至恭帝凡三帝共十年入大宋

承襲

錢鏐杭州臨安縣人少拳勇喜任俠以解仇報怨爲  
事唐乾符中事於潛鎮將董昌曰爲部校屬天下喪  
亂董昌曰聚衆恣橫於杭越之間時劉漢宏據越州  
潤州牙將薛朗自稱留後唐僖宗詔董昌討伐昌委  
鏐進攻越州誅漢宏攻潤州擒薛朗江浙平昌爲浙  
東節度使越州刺史表鏐爲杭州刺史景福中立威  
勝軍乾寧四年改鎮東軍於越州以昌爲節度使昌漸驕貴僭  
稱尊號僞命鏐爲兩浙都將鏐不受命以狀聞唐昭  
宗命鏐討昌鏐破越州擒昌以獻賜鏐鐵券兩浙士  
庶拜章請以鏐兼杭越二鎮朝廷因授之鏐於唐昭

宗朝位至太師中書令本郡王梁祖革命以鏐爲吳越國王末帝同光中爲天下都元帥尚父尚書令封吳越國王賜玉冊金印鏐乃以鎮海鎮東軍節度使名目授其子元瓘自稱吳越國王命所居曰宮殿府署曰朝廷其叅佐稱臣僭大朝百寮之號但不改年號而已明宗即位之初安重誨用事鏐嘗與重誨書無禮重誨因削鏐元帥尚父國王之號以太師致仕久之時淮寇攻逼荆南明宗疑其同惡因降詔詰之其子元瓘等復遣使自淮南間道上表奏謝明宗嘉之乃降制復授鏐舊號又詔賜上奏不名鏐在杭州垂四十年窮奢極貴錢塘江舊日海潮逼州城鏐大庀工徒鑿石填江又平江中羅刹石悉起臺榭廣郡郭周

三十里邑屋之繁會江山之雕麗實江南之勝槩也  
鏐以長興三年薨年八十一制以王禮葬并仍賜神道碑  
謚曰武肅鏐晚歲尤恃崇盛分兩浙爲數鎮其節制  
署而後奏左右前後皆兒孫甥姪兩浙里俗咸曰海  
龍王也梁開平中立生祠至今蒸黎饑饉之子孫保之  
斯亦近之名王也

元瓘字明寶鏐第五子梁貞明四年鏐大舉伐吳以  
元瓘爲水戰都指揮使戰棹抵東洲吳人以舟師拒  
戰元瓘爲大筏順風揚灰以塞之白晝如霧吳師迷  
方遂敗之擒軍使彭彥章并軍校七十餘人得戰艦  
四百隻吳人知不可校通好於鏐以功奏授元瓘鎮  
海軍節度副使後唐同光初加檢校太師兼中書令鎮

東等軍節度觀察處置等使及鏐爲太師致仕元  
瓘累章乞復舊號明宗許之鏐旣年高欲立嗣召  
諸子使各論功皆讓於元瓘及鏐病篤出符鑰數  
篋於前則謂元瓘曰三軍言爾可奉領取此物鏐薨  
元瓘遂襲父位清泰三年封吳越國王六年授天下  
都元帥其年秋府署災焚之一空乃移於他所其燄  
比皆隨而發焉元瓘因驚悸薨年五十五謚曰文穆  
佐字元祐元瓘薨遂襲其位晉天福末授吳越王漢  
高祖入汴佐首獻琛書表率東道漢祖嘉之授諸  
道兵馬都元帥佐居列土凡七年境內豐阜祖父三  
世皆爲元帥時以爲榮漢初以疾卒謚曰中心獻以其  
弟侖襲位侖以禮法繩下宿將舊勳不甚優禮漢

祖入汴之歲大將胡進思幽侏于錦軍立倣為帥倣  
元瓘之子侏之異母弟也周廣順中累官至守尚書  
令中書令吳越國王皇朝建隆初加天下大元帥  
其後事具國史

馬殷字霸圖許州鄆陵人應募從軍隨孫儒渡淮  
陷廣陵及孫儒敗於宣州殷隨別將劉建峯過江西  
連陷洪鄂潭桂等州建峯盡有湖南之地遂自為潭  
帥項之建峯為部下所殺潭人推行軍司馬張佖為  
帥佖曰吾才不及馬殷即付殷以軍府事殷自為留  
後久之朝廷命為湖南節度使遂有衡潭七州之地  
唐天復中殷與高季興攻澧朗節度使雷彥恭擒  
之盡有其地殷於梁貞明中為時姑息所求皆允

封楚王摠制二十餘州自署官吏征賦不上供民間採茶並仰而買之又自鑄鉛鐵錢凡天下商賈所齎寶貨負其境者祇以土產鉛鐵博易之無餘遂致一方富成饜窮極奢侈貢奉朝廷不過茶數萬斤而已於中原賣茶之利歲百萬計唐同光初首修職貢復授太師兼尚書令楚王天成初加守尚書令長興二年薨年七十八謚曰武穆子希聲嗣

希聲立未周歲而卒三軍立其弟希範爲帥

希範殷第三子兄希聲卒尋授武安軍節度使封楚王清泰中以蠻人屢擾桂林希範引兵築城於巴邱南口憚之晉天福三年谿州洞蠻彭士愁寇辰澧二州希範討平之士愁以五州乞盟乃銘於銅柱希



一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

範自言漢伏波將軍援之後故鑄銅柱以繼之七年  
開學館貯書萬卷私署十八學士冊拜尚書令開運  
三年賜號尚父漢高祖入汴三年薨年四十九謚曰文  
昭希範在鎮堂構一堂號為九龍殿殿內實八龍蓋  
謂已是一龍也

希廣希範之母弟希範薨希廣襲其位是時希廣  
有庶兄希萼為朗州節度使怒希廣立不以長乾  
祐三年希萼率朗軍攻陷潭州縊殺希廣其妻杖  
死於市

希萼殷之庶子初殷將沒遺命諸子依伯仲叔季為  
嗣仍留一劍寘於祠堂有違者衆得斬之希萼於希  
廣兄也怒希廣違先人之命遂構閹牆之怨希萼大

舉朗軍攻潭州拔之自稱楚王武安軍節度使先是  
湖南當希範之世擅二十州之征稅車輿服玩池館第  
舍頗事華靡及希廣被攻之際谿洞蠻軍縱兵發  
火向時府署廡舍焚蕩俱盡府庫所蓄皆爲蠻軍  
剽掠所有空城而已希萼但以得位自矜殊無鷓鴣惜  
巢之意又與所昵羣小日夜縱酒一日會將吏於府第  
牙將陸孟俊率甲士爲亂執希萼送衡州安置時周  
廣順元年也

希宗希萼之弟希萼被執衆推希宗爲帥希萼至衡  
州本州都指揮使廖偃招合蠻獠復立希萼爲楚王  
求援於江南李景景遣信州校史透鎬率衆東入希  
萼乘湘流而下合勢以迫長沙希宗送符印乞降於

錡潭人請邊錡爲帥錡乃令人送希崇希萼與馬氏諸族於金陵李景以希萼希崇與族人並於楊州安置數年希萼卒於金陵周顯德中世宗渡淮希崇奉表至行在世宗許舉族入覲希崇即時并家屬來朝會世宗在渦口遂覲於行宮賜予甚厚希崇尋授列校太尉車駕歸京其弟姪拜官者十餘人顯德元年卒於京師馬氏自唐乾寧二年乙卯歲始有湖南之地至周廣順元年辛亥歲爲江南所虜凡五十七年而亡劉言奔朗州之牙將初馬氏爲江南所俘朗州無帥衆乃推列校馬光惠爲武平軍留後光惠署言爲副使旣而軍情不附以言代光惠爲留後時周廣順二年其年冬言與王進逵何敬真周行逢等同領舟師

以襲潭州攻拔益陽寨殺淮軍數千人至潭州城下  
邊錫奔城東走進逵敬真遂入據其城言乃奉表於  
周太祖且言潭州兵戈之後焚燒殆盡乞移使府於  
朗州從之詔升朗州爲大都督府在潭州之上廣順三  
年春制以言爲朗州大都督充武平軍節度使制置  
武安靜江等軍事秋進逵奏言與淮賊通連周太祖  
詔劉言宜勒歸私第尋遇害乃正授進逵朗州節制  
顯德元年制以周行逢爲鄂州節度使權知潭州軍  
府事三年世宗將伐淮甸詔進逵率兵入江南界進逵  
遣部將潘叔嗣爲先鋒行及鄂州界迴戈以襲朗州進  
逵聞之倍道先入武陵叔嗣遽攻其城進逵敗爲叔  
嗣所殺遣人詣潭州請周行逢爲帥行逢至朗州斬

叔嗣於市其年秋制以行逢為朗州大都督自是潭  
朗之地遂為行逢所有皇朝建隆初就加中書令四  
年行逢卒三軍立其子保權為帥未幾朗軍亂求救  
於朝廷及王師平定荆湖保權入朝由是湖湘之地  
盡為王土矣

高季興字貽孫陝州硤石人幼隸於汴之季子七郎梁祖  
以季子七郎為子賜姓名友讓梁祖嘗見季興於僕隸  
中其耳面稍異命友讓養之為子梁祖以季興為牙  
將唐天復中昭宗在歧下梁祖圍鳳翔日久眾議欲  
班師獨季興諫止之既而竟迎昭宗歸京以季興為  
迎鑾金毅勇功臣檢校司空行宋州刺史從梁祖平青  
州梁祖令復姓高氏擢為荆南兵馬留後荊州自唐

乾符之後兵火互集井邑不完季興招葺離散  
流民歸復梁祖嘉之乃加節鉞梁開平中破雷悉  
於朗州加平章事荆南舊無外壘季興始城之  
自後稱臣於吳蜀梁氏稍不能制焉因就封渤海  
王明年冊拜南平王魏王繼岌平蜀盡遷其寶貨  
浮江而下舩至峽口會莊宗遇禍季興盡邀取之  
明宗即位復請夔峽爲屬郡初俞其請後朝廷  
除刺史季興上言請不除刺史詔削奪其官爵天  
成初命西方鄴興師收復三州三年冬季興病卒其  
子從誨嗣立累表謝罪請修職貢由是復季興  
官爵謚曰武信尋命從誨起復授荆南節度使應  
順中封南平王晉天福六年加尚書令上章固讓時

有術士言從誨年命有厄故也及契丹犯闕漢高祖起義於太原遣使奉貢言俟車駕定河汴願賜郢州爲屬郡及入汴從誨求踐前言高祖不從從誨怒率州兵攻郢州旬日爲刺史尹實所敗自是朝貢不至尋祈託襄州安審琦請歸朝待罪朝廷亦開納之漢乾祐元年以疾薨謚曰文獻子保融嗣位封南平王皇朝建隆元年卒謚曰貞懿弟保勗龍不其位建隆四年卒是歲荆門之地不爲高氏所有保勗旣卒以保融子繼冲襲其位其年冬繼冲來朝遂移鎮于徐州事具國史高氏自梁開平元年丁卯歲始有荆南之地至皇朝建隆四年癸亥歲乃盡去其地凡五十七年

李茂貞本姓宋名文通深州博野人祖鐸父端唐乾符  
中鎮州有博野軍宿衛京師屯於奉天文通時隸本  
軍爲市廵累遷至隊長唐僖宗再幸興元文通扈蹕  
山南論功第一遷洋蓬壁等州節度使賜姓名茂貞光  
化三年誅李昌符二年昌符據兵  
攻下茂貞討之車駕還京以茂貞爲隴  
西郡王楊復恭楊守亮據興元叛茂貞與王行瑜討  
平之自是茂貞恃勲恣橫擅兵窺伺大臣言其過者  
茂貞上章論列不遜姦邪者因之附麗遂成朋黨朝  
政於是隳焉昭宗欲加討伐乾寧初命宰相杜讓能  
調發軍旅未越境爲茂貞所敗嚴兵不解執將指闕  
抗言讓能之罪也誅讓能方罷二年茂貞與行瑜韓  
建稱兵入覲京師震恐天子御樓待之抗請殺宰相



韋昭度李谿以謝天下移王珙於河中既還留其假

子繼鵬宿衛即閻珪也時後唐武皇上表請討三鎮

成貞王行諭韓建以寧關輔繼鵬迫車駕幸鳳翔因燔燒東市

中夜大譟昭宗登承天門樓避亂令捧日都將李雲守

樓下繼鵬攻雲昭宗馮勣軒慰諭繼鵬鸞弘大呼矢拂

御衣中樓桷侍臣掖昭宗下樓還宮繼鵬即縱火攻

宮門雲乃與扈蹕都將李君慶衛昭宗出啓夏門駐

華嚴寺晡晚駐石門山佛寺昭宗以武皇為行營都

統進討邠岐茂貞懼斬繼鵬上表待罪昭宗原之武皇

奏曰不誅茂貞輔關無由寧謚詔武皇與茂貞扣及

行瑜誅武皇班師茂貞怨望驕橫如故明年制授茂

貞東川節度使仍命通王覃王治禁軍於闕下如茂

貞達詔即討之。茂貞懼，將赴鎮。王師至興平，夜自驚潰。茂貞因出乘之，官軍大敗。車駕倉卒出幸華州。茂貞之衆因犯京師，焚燒宮闕。長安大內盡爲邱墟矣。四年，茂貞上章請雪光化中加尚書令。岐王令其子繼筠以兵宿衛。天復元年，梁祖勢逼京師，繼筠與中尉韓全誨劫昭宗幸鳳翔。茂貞遂與全誨矯詔天下徵兵將討梁祖。宰相崔胤召梁祖引四鎮之兵屯於岐下，圍守三年。茂貞、山南諸軍盡爲王建所陷。涇原、秦隴、邠、鄜、延、夏皆降於汴。茂貞獨據孤城，內外援絕。乃請車駕還京，求和於汴。即斬韓全誨等二十人，首級送于梁祖。自是兵力殫盡，垂翅不振。茂貞疆土危蹙，不遂僭竊之志。但開岐王府，署天官，目妻。

爲皇后鳴鞘掌扇宣詞令一如王者之制然尚行昭  
宗正朔焉莊宗入洛遣其子繼暉來朝詔茂貞仍舊  
官進封秦王同光二年疾薨年六十九謚曰忠敬子  
從暉嗣

從暉茂貞長子茂貞薨詔起復授鳳翔節度管內  
觀察處置等使天成元年詔暉昶照上改稱從自  
唐末帝起兵岐下岐城吏民扣馬乞以從暉爲帥末帝  
許之清泰初即以從暉復爲鳳翔節度使仍封秦國  
公晉高祖登極繼封岐王秦王少帝嗣位加守太保  
開運三年卒於鎮年四十九

從昶茂貞第二子茂貞疾從昶年十五遣代兄從暉  
爲涇州兩使留後尋加節制明宗即位改鎮三峯鎮

許田清泰中遷左龍武統軍晉天福三年卒年四十  
弟從昭歷隴州刺史卒

李仁福本拓拔氏之族唐乾符中有拓拔思恭爲夏  
州節度使破黃巢有功僖宗賜姓故仁福亦以李爲  
氏思恭卒弟思諫繼之思諫卒三軍立其子彛昌爲  
留後彛正授旄鉞彛昌曰遇害時仁福爲蕃部指揮  
使本州軍吏迎立仁福爲帥梁祖降制授仁福充定難  
軍節度使未幾後唐武皇遣周德威攻夏州仁福固  
守梁援軍至德威遁去梁祖嘉之超授檢校太保同  
平章事仁福自梁貞明龍德及後唐同光中累官至  
檢校太師兼中書令封朔方王長興四年卒於鎮子  
彛超嗣

彛超仁福次子仁福卒三軍立爲帥矯爲仁福奏明  
宗聞之遂以彛超爲延州留後以延帥安從進爲夏州  
留後朝廷慮不從命詔邠州節度使藥彥稠宮苑使  
安從益等率師援送從進赴鎮其年夏四月彛超上  
言奉詔授延州留後已迎受恩命緣三軍百姓擁隔  
未放赴任五月從進領軍至城下彛超不受代從進  
駐軍以攻之七月彛超昆仲登城謂從進曰孤弱小鎮  
不勞王師攻取虛煩國家餉運得之不武爲僕□□  
乞容改圖明宗聞之乃命班師彛超亦上表謝罪乃  
授彛超檢校司徒充定難軍節度使旣而修貢如初  
清泰二年卒於鎮弟彛興龍襲其位

彛興本名彛升殷彛超卒唐末帝授彛興定難軍節

度使周顯德中封西平王皇朝建隆元年制加守  
太尉始改名昇興乾德五年卒於鎮子光叡繼其位  
其後事具國史

韓遜本靈州之列校會唐季子之亂因據有其地朝廷  
乃授以節鉞梁祖累加官至中書令封潁川郡王貞明  
初卒於鎮

洙遜之子遜卒梁末帝授洙靈武節度使唐莊宗明  
宗累加官爵天成四年卒朝廷以其弟澄爲朔方軍  
節度觀察留後是歲列校李賓作亂明宗命康福爲  
朔方河西等軍節度使其後靈武遂受代焉

趙德鈞本名行實幽州人少以騎射事滄州連帥劉守  
文劉守光及唐莊宗伐幽州德鈞乃遁歸莊宗莊宗

賜姓名曰紹斌從平梁遷滄州節度使同光三年移鎮幽州明宗即位歸本姓改名德鈞其子延壽尚明宗女興平公主天成中定州王都反德鈞擒楊隱已下數十人獻於京師王都平加兼侍中頃之藁東北面招討使德鈞奏發河北數鎮丁夫開王馬口至游口以通水運凡二百里又於閭溝築壘以戍兵守之因名良鄉縣以備鈔寇又於幽州東築三河城北接薊州頗爲形勝之要部民由是稍得樵牧德鈞鎮幽州凡十餘年甚有異政累官至檢校太師兼中書令封北平王清泰三年夏晉高祖起義於晉陽契丹敗張敬達之軍於太原城下唐末帝詔德鈞以本軍由飛狐路出賊後以邀之命德鈞子延壽軍也上黨十一月德鈞延壽自潞州

引軍至團柏谷德鈞累奏乞授延壽鎮州節度末帝  
不悅謂左右曰趙德鈞父子堅要鎮州苟能逐退蕃兵  
要代予位亦所甘心若罷寇要君但恐犬兔俱斃朝廷  
繼馳書詔促令進軍德鈞遲疑不果乃遣使於北厚  
齎金幣求立己爲帝契丹主不許德鈞父子自團柏  
谷南走潞州是日潞州節度使高行周亦自攻還及  
至府門見德鈞父子在城闈上行周謂曰某與大王  
鄉人宜以忠言相告城中無斗粟可食良請大王速迎  
車駕自圖安計無取後悔焉德鈞遂與延壽出降契  
丹晉祖至德鈞父子迎謁於馬前晉祖不禮之契丹  
遂鎖德鈞父子入蕃晉天福二年德鈞卒於契丹  
延壽本姓劉氏父曰邠常山人也常任脩令梁滄州



節度使劉守文陷其邑時德鈞爲偏將獲延壽并其母种氏遂養之爲子延壽姿貌妍柔稍涉書史及長尚明宗女興平公主明宗即位爲樞密使兼鎮徐州晉高祖起義於晉陽唐末帝幸懷州委延壽北伐晉高祖至潞州延壽與父德鈞俱陷北庭未幾契丹以延壽爲幽州節度使封燕王天福末契丹與晉少帝絕好契丹委延壽以圖南之事許以中原帝之延壽乃導誘蕃軍蠶食河朔晉軍既降於中渡契丹命延壽就寨安撫諸軍仍賜龍鳳赭袍使衣之而往謂曰漢兒兵士比日爾有之爾宜親自慰撫延壽至營杜重威李守貞已下比日迎謁於馬前延壽在汴知契丹無踐言之意乃遣李山松達語於契丹求立己爲皇太

子契丹因命與燕王加恩又以其子贊爲河中節度使延壽在汴州復娶明宗小女爲繼室契丹自汴迴至邢州命升延壽坐在契丹左右相之上契丹死延壽下教於諸道稱權知南朝軍國事爲永康王元欲所鎖尋以延壽入國竟卒於契丹贊歷漢周兩朝累授節鎮及統軍使仕皇朝歷盧延邠鄜等四鎮焉  
僭爲

楊行密廬州人少孤貧有膂力日行三百里光啓初秦宗權擾淮右頻寇廬壽郡將募能致戰擒賊者計級賞之行密以膂力應募往必有獲得補爲隊長行密乃自募百餘人皆虓勇無行者殺都將自權州兵郡將即以符印付之而去朝廷因正授行密廬州

刺史三年揚州節度使高駢失政委任呂用之輩牙將畢師鐸懼爲用之所譖自高郵起兵以龍衣廣陵乃乞師於宣州秦彥陷廣陵秦彥渡江入揚府自稱節度使行密攻廣陵秦畢大敗九月秦畢害高駢於幽所行密攻圍彌急城中食盡米斗四十千城陷秦畢走東塘行密入廣陵輦外寨之粟以食飢民即日米減價至三十十月蔡賊孫儒以衆萬人自淮西奄至還據外寨時秦畢來自東塘與儒軍合自是西門之外復爲敵境矣行密既有廣陵遣使至大梁陳歸附之意梁祖即表行密爲淮南留後文德元年孫儒引軍襲廣陵下之龍紀元年孫儒出攻宣州行密乘虛襲據揚州孫儒引軍復攻行密大順元年行密危蹙

率眾夜遁出據宣州儒復入揚州二年屬江淮疾疫師人多死儒亦卧病爲部下所執送於行密殺之行密自宣城長驅入於廣陵行密既併孫儒乃招合遺散與民休息政事寬簡百姓便之乾寧二年行密盡有淮南之地昭宗乃降制授行密宏農郡王天祐二年行密攻陷鄂州擒節度使杜洪戮於揚州市梁之戍兵數千人亦陷焉其後江西鍾傳宣州田頌俱爲行密所併三年行密以疾卒於廣陵及其子涓僭號爲追尊爲太祖武皇帝

溆行密長子行密卒遂襲衣其僞位自補吳王天祐五年溆爲大將張顥所殺別將徐溫復殺顥立行密次子涓爲主及涓僭號僞追尊爲景帝

渭渥之弟渭既立徐溫乃於上元縣置昇州盛開幕府自握兵柄於上流留其子知訓等於揚州居中秉政凡十餘年溫乃冊渭為天子國號大吳改唐天祐十六年為武義元年渭僭號三年而卒偽謚為惠帝溥行密幼子渭卒徐溫乃推溥為主復僭為號唐同光元年莊宗平梁溥遣使章京來朝稱大吳國主致書上大唐皇帝其辭旨卑遜有同版表明宗纂嗣溥遣使修好館其使不受所貢遣之唐天成二年徐溫卒追封為齊王溫之養子李昇代溫佐輔秉政數年襲封齊王晉天福二年溥遜位於昇昇遷溥於潤州溥踰年以幽死又遷其族於海陵周顯德中李景聞周師渡淮楊氏為變使人盡殺之自唐大順二

年行密始有淮南之地至溥遜位凡四十七年而亡

李昇本海州人僞吳大丞相徐溫養子溫字敦美亦海州人初從楊行密起兵於廬州漸至軍校唐末青州王師範爲梁祖所圍乞師於行密溫時爲小將亦預其行師範敗淮兵大掠而還昇時幼稚爲溫所擄溫愛其慧黠遂育爲己子名曰知誥天祐初行密卒渥嗣張顥殺渥立渥弟渭爲帥溫尋殺顥渭僞授溫常州刺史天祐十二年溫出鎮潤州以其子知訓知政事時昇升爲溫屬郡昇州刺史乃大理郡廨溫表移其府於金陵僞授鎮海軍節度副大使以昇爲副使十五年知訓授淮南行軍副使居無何知訓爲大將朱瑾所殺溫以昇代知政事明年溫冊楊渭爲天子渭

死温迎丹陽王溥於潤州即偽位改元爲順義自是  
温父子愈盛中外共專其國楊氏主祭而已温累官  
至守太師中書令金陵尹東海王七年改元乾貞即  
後唐天成二年也温卒偽追封齊王謚曰忠武乃偽授  
昇守太尉中書令宣城公昇自平朱瑾之亂遂執吳政  
至天成四年偽吳改元太和是歲昇出鎮金陵尋封  
東海王至清泰二年改元天祚其年以金陵爲齊國  
封昇爲齊王乃追謚温爲忠武王廟號太祖昇又進  
位太尉錄尚書事留鎮金陵以其子景德政事於揚  
州未幾僞加昇九錫建天子旌旗改金陵爲西都以  
揚州爲東都昇開國依齊梁故事用徐玠爲左丞相  
宋齊邱爲右丞相以爲謀主僞吳天祚三年楊溥遜

位於昇國號大齊改元昇元建都於金陵時晉氏天福二年也昇乃冊楊溥爲讓主昇自云唐明宗第六子永王璘之裔故昇指璘以爲遠祖因還姓李氏始改名昇國號大唐尊徐溫爲義祖昇僭位凡七年子景嗣位

景昇長子昇卒乃龍裝僞位改元保大以仲弟遂爲皇太弟季弟達爲齊王仍於父柩前設明盟約兄弟相繼景僭號之後屬中原多事北土亂華雄據一方行餘一紀其地東暨衢婺南及五嶺西至湖湘北據長淮凡三十餘州廣袤數千里盡爲所有近代僭竊之地最爲彊盛周顯德二年世宗始議南征是冬周師圍壽春三年世宗親征大敗淮寇於正陽遂進攻壽州



尋又今上敗何延錫於渦口擒皇甫暉於滁州景  
聞之大懼遣鍾謨李德明等奉表於世宗乞爲附庸  
之國仍歲貢百萬之數又遣孫晟王崇質等奉表脩  
貢且言景願割濠壽泗楚光海等六州之地隸於大朝  
乞罷攻討世宗未之許四年春世宗再駕南征口下壽  
州十月世宗復臨淮甸連下濠泗二郡明年正月拔楚  
州遂移揚州駐大軍於口口將議濟江景遣陳覺奉  
表陳情且順世宗之旨焉是時江北諸州惟廬舒蘄  
黃等四郡未下世宗謂覺曰江南國主若能以江北之  
地盡歸於我則朕亦不至窮兵黷武覺忻然即遣人  
過江取景表以廬舒蘄黃等四州來上乞畫江爲  
界仍歲貢地征數十萬世宗許之自是景始行大朝

正朔上章稱唐國主臣景皇朝建隆二年景以疾卒於金陵年四十六子煜襲偽位其後事具國史

王審知字信通光州固始人唐廣明中黃巢犯闕江淮盜賊蜂起有賊帥王緒者陷固始縣審知兄潮時爲縣佐緒署爲軍正潮與豪首共殺緒其衆求帥乃刑牲插血爲盟植劍於前祝曰拜此劍動者爲將軍至潮拜劍躍於地衆即奉潮爲帥唐光啓二年福建觀察使陳巖表潮爲泉州刺史巖卒子瑒范暉自稱留後潮遣審知將兵攻之踰年城中食盡乃斬暉而降由是盡有閩嶺五州之地潮即表其事昭宗因建威武於福州以潮爲節度命審知爲副乾寧中潮

卒審知遂繼兄位封琅邪王梁封閩王莊宗即位遣使奉貢制加功臣進爵邑審知起自隴畝間以至富貴每以節儉自處選任良吏省刑惜費輕賦薄斂與民休息三十年間一境晏然同光元年卒子延翰嗣延翰驕恣不法尋為弟延鈞所殺及延鈞僭號偽追尊審知為武皇帝

延鈞

審知弟

襲位封閩王唐長興三年上言乞封吳

越國王請授尚書令朝廷不報延鈞遂絕朝貢未幾乃自稱帝國號大閩偽改元龍啓然猶稱藩在偽位十二年唐清泰二年為其臣李仿所殺偽謚為惠帝昶延鈞子李仿既殺延鈞國人立昶為嗣昶遂殺李仿朝延因授昶福建節度使昶在鎮僭稱偽號改元文

通天福三年晉祖下制封昶爲閩國王子繼恭封臨海郡王昶性殘忍多忌諸父諸兄誅滅殆盡遣僚佐鄭元弼來朝貢昶致書於執政晉祖省之不悅李知損奏請禁錮來人籍沒口運晉祖可其奏是歲福建軍亂僞閩門使連重遇殺昶與繼恭於府署孩稚皆死焉

延義審知少子連重遇既殺昶迎立延義爲主僞改元永隆在僞位六年爲朱文進等所殺

晉天福七年

文進遂自據其位間道送款於朝封閩王

延政亦審知子聞延義篡立亦自稱帝於建州國號大殷改元天德朱文進黨連重遇梟文進首送建安延政遣其將黃仁調授從子繼昌爲福州留守仁調

既至與福州列校李仁達殺繼昌遂自立朝廷因以仁達爲福建節度使知閩國事後江南李景遣其將邊鎬帥師攻建安延政乞降鎬使人送金陵時晉開運三年也後吳人僞封延政爲光山王解奉其祀焉始王氏以唐光啓丙午歲據有閩越時有異僧言騎馬來騎馬去至開運丙午歲果絕後李仁達以福州歸兩浙汀建爲江南所有漳泉爲留從効所據閩嶺五州自此分割矣王氏凡二世七王通六十年而亡

王建字光圖陳州項城人屠牛盜狗靡所不爲鄉人號爲賊王八然隆眉廣額龍睛虎視機略拳勇出於流輩嘗於武當山遇禪僧處洪謂建曰子骨相甚貴何不從軍自求豹變建因隸名於忠武軍唐咸通

中從討王仙芝力戰馬斃剖腹一蛇私自竒之及秦宗權據蔡州懸重賞以募之建始補軍候廣明中黃巢陷長安僖宗幸蜀時梁祖爲巢將領衆攻襄鄧宗權遣小校鹿晏宏從監軍楊復光率師以禦之建亦預行是歲復光入援京師明年破賊收京城復光死晏宏授節旄建懼率三千人趨行在僖宗嘉之賜與巨萬田令孜錄爲假子光啓初建從僖宗再幸興元令孜懼禍求爲西川監軍楊復恭代爲觀軍容使乃出建爲壁州刺史楊守亮鎮興元建不安其郡因招合谿洞豪猾寇閬州攻利州守亮不能制東川顧彥朗初於關輔破賊時與建相聞故建不侵梓遂西川陳敬宣直愛其膠同謀於田令孜令孜飛書招建

建即之梓州見彥朗留家寄東川之成都次鹿頭敬  
宣遣人止建遽修城守建怒遂據漢州時光啓三年  
也攻成都不尅復保漢州昭宗即位建攻西川管内  
八州所至響應遂攻成都是夜田令孜携蜀帥符印  
入建軍授建翌日敬宣啓開迎建以蜀帥讓之建乃  
自稱留後表陳其事明年春制授成都尹時龍紀元  
年也建既有蜀土復欲窺伺東川會彥朗卒弟彥暉  
代爲梓帥大順末建出師攻梓州彥暉求援於鳳翔  
李茂貞出師援之自是兩川交惡者累年後建大起  
蜀軍敗攻梓之兵於利州彥暉懼乞和請與岐人絕  
許之景福中山南之師寇東川彥暉求援於建建出  
兵赴之大敗興元衆洎軍旌建乘虛奄龍衣梓州擄彥暉

置於成都遂兼有兩川自此軍鋒益熾茂貞山南諸  
州皆爲建所有趙凝之失荆襄也其弟明以其孥  
奔蜀建因得夔峽忠萬等州泊梁祖開國蜀人請  
建行劉備故事天祐五年建自帝於成都年號武成  
國稱大蜀通正元年茂貞之秦隴階涇皆陷於蜀冬  
改元天漢其年冬又改元光天建以疾卒時年七十  
二僞謚曰神武聖文孝德明惠皇帝廟號高祖陵  
曰永陵

行字化源建之幼子建卒龍哀僞位時年十八改元乾德  
行自童年即能屬文或有所著蜀人皆傳誦焉洎  
僭位之後大縱荒淫五年構怡神亭以佞臣韓昭等  
爲狎客雜以婦人以恣荒宴唐莊宗平梁遣使告捷



於蜀蜀人恟懼致禮復命稱大蜀國王致書上大唐  
皇帝詞理稍抗莊宗遣客省使李嚴報聘且市宮中  
珍玩蜀中皆禁而不出嚴使還奏曰王行駭童耳王  
宗弼等總其兵柄但益家財不卹民事君臣上下唯  
務窮奢其舊勳故老棄而不任蠻蜒之人痛深瘡  
痍以臣料之大兵一臨望風瓦解莊宗然之唐同光三  
年莊宗下制伐蜀命興聖宮使魏王繼岌爲都統樞  
密使郭崇韜爲行營都招討發洛陽時行幸秦州  
次縣谷聞唐師入境行急還復入成都爲其臣王宗  
弼所制魏二師至縣州宗弼遣人告郭崇韜請行留  
後事移行之家於私第宗韜以蜀帥許之十一月魏王  
至德陽行報去比與將校謀歸國爲樞密使宋光嗣

景閏澄宣徽使李周輅歐陽晃等四人異謀熒惑  
臣各已處斬今送納首級是日行上表乞降其月魏  
王至成都北五里昇遷橋行面縛銜璧與櫬而從魏  
王下馬受璧崇韜釋縛燔櫬王師入成都自起師至  
入蜀城凡七十五日詔行舉族赴闕行率其宗屬東  
赴洛陽四年莊宗令宦者向延嗣誅行於路四月行  
至長安聞河朔有變慮及於禍延嗣至與留守張筠  
誅行於秦川驛夷其族時年二十五建自唐光啓三  
年入蜀父子相承凡四十年而亡

孟知祥字保裔邢州龍崗人世爲郡校弱冠補河東  
牙校知祥自幼溫厚知書樂善武自皇深器之以其弟  
克讓之女妻之及張承業卒命權知太原府事同光

元年莊宗即位於鄴制行太原尹三年大舉伐蜀以

郭崇韜為招討使崇韜以素受知祥引薦之恩宗

晉王位時知祥為中門使知祥為崇韜為代思有以奉報之奉辭之日崇韜奏

曰臣以非才謬當戎事若西川平定之後陛下擇帥

如信厚善謀事彥有節則盡知祥有焉望以蜀帥授

之莊宗心許之是年冬蜀平制以知祥依前成都尹

充劍南西川節度副大使知祥自太原奏詔馳騎入

洛因令中使王允平就賜節鉞官告洎明宗即位遣

使部送知祥妻瓊華公主及其二子入蜀累加中書

令知祥深感之唐大成中安重誨專權用事客省使

李嚴以嘗使於蜀洞知其利病因獻謀於重誨請以

已為西川監軍庶効方略以制和祥朝廷可之及嚴

至蜀知祥延揖甚至徐謂嚴曰都監前因奏使請兵  
伐蜀遂使東西兩川俱至破滅三川之人其怨已深  
今既復來人情大駭即遣人搜下階斬於檻前董璋  
作鎮東川亦有雄據之意唐以夏魯奇鎮遂州李仁  
矩鎮閬州授以密旨令制禦兩川董璋覺之乃與知  
祥通好結爲婚家以固輔車之勢璋以本部軍先取  
閬州知祥遣大將李仁罕等圍遂州唐長興元年冬  
明宗命石敬瑭統大軍伐蜀二年敬瑭以遂閬既陷  
又糧運不接乃班師三年璋爲部下所殺傳首於成  
都知祥乃自領東西兩川節度使仍上表於明宗以  
疏董璋之罪朝廷方務姑息即日降制封蜀王及許  
行墨制知祥雖無英武之略然行已恭儉待士勤

至自趙李長□□□□而下比日優以官爵貴之厚以財貨富之由是人人各盡其死力割據之基成矣明宗晏駕知祥乃稱帝於蜀唐興元節度使張虔釗洋州節度使孫漢詔皆舉其地降於知祥改元明德以疾卒年六十一偽謚文武聖德英烈明孝皇帝廟號高祖陵曰和陵

昶知祥第三子母李氏本莊宗之嬪御以賜知祥知祥卒遂亂衣偽位時年十六皇朝乾德三年春王師平蜀詔昶舉族赴闕賜甲第於京師封楚王是歲秋卒於東京時年四十七事具國史自知祥同光三年丙戌歲入蜀父子相繼九四十年而亡

劉守光深州樂壽人其父仁恭初隨父晟客於范陽

自補新興鎮將事節度使李可舉仁恭幼多智計數  
陳力於軍中李全忠攻易定仁恭稍遷裨校仁恭志  
大氣豪自言嘗夢大佛幅出於指端或云年四十  
九當領旌節此言頗泄燕帥李正威惡之不欲令典  
軍改爲府掾出爲景城令屬瀛州軍亂殺郡守仁  
恭募白丁千人討平之正威壯其才復使爲帳中爪  
牙令將兵戍蔚州兵士以過期不代思歸流怨會李  
正儔奪兄位戍軍擁仁恭爲帥欲攻幽州至居庸關  
爲府兵所敗仁恭挈族奔太原武皇遇之甚厚賜田  
宅以處之乾寧元年武皇親征正儔弃城而遁以仁  
恭爲幽州節度使三年羅宏信背盟武皇徵兵於燕  
仁恭託以契丹入寇候敵退聽命四年武皇聞兗鄆

俱陷復徵兵於仁恭數月之間使車結轍仁恭辭旨  
不遜武皇微以書讓之仁恭覽書慢罵拘其使人晉  
之戍兵在燕者皆拘之復以厚利誘晉之驍將由是  
亡命者衆矣八月武皇討仁恭九月辛巳至木瓜澗大  
爲燕軍所敗死傷大半旣而仁恭告捷於梁祖梁祖  
聞之喜因表仁恭加平章事光化元年令其長子守  
文龍衣滄州遂兼有滄景德三郡以守文爲留後二年  
仁恭率幽滄步騎十萬將併魏博鎮定師次貝州一鼓  
而拔羅紹威求援於汴汴將李思安葛從周赴之燕  
軍大敗汴人乘勝攻滄州仁恭帥師援之汴將氏叔  
琮逆戰燕軍逗撓退保瓦橋乃卑辭厚禮乞師於晉  
武皇遣兵逼邢洛以應之復修好於晉天祐三年梁

祖自將兵攻滄州仁恭師徒屢喪乃酷法盡發部內  
男子十五已上七十已下各自備兵糧以從軍閭里爲  
之一空仁恭閱衆得二十萬進至瓦橋汴人深溝高  
壘以攻滄州內外阻絕仁恭不能合戰城中大飢轉  
死骨立者十之六七自七月至十月仁恭遣使求援  
於晉前後百餘輩武皇乃徵兵於燕合以攻潞州降  
丁會乃解滄州之圍是時天子播遷中原多故仁恭  
嘯傲薊門志意盈滿師道士王若訥祈羽化之道幽  
州西有名山曰大安山仁恭乃於其上盛飾館宇僭擬  
宮掖聚室女豔婦窮極侈麗仁恭有嬖妻曰羅氏  
美姿色其子守光恣之事洩仁恭怒營守光譎而不  
齒四年汴將李勣心安以急兵攻幽州營於石子河仁恭



在大安山城中無備守光自外帥兵來援登城拒守  
汴軍既退守光乃自爲幽州節度令其部將李小喜元  
行欽將兵攻大安山仁恭遣兵拒戰爲小喜所敗乃  
擄仁恭歸幽州囚於別室繫兄守文於別室守光性  
本庸昧以父兄失勢謂天所助淫虐滋甚每刑人必  
以鐵籠盛之薪火四逼又爲鐵刷刮剔人面嘗衣赭  
黃袍顧謂將吏曰當今海內四分五裂衣吾欲南面以  
朝天下諸君以爲何如賔佐孫鶴率先對曰王但拊  
士愛民補兵完賦義聲馳於天下諸侯自然推戴  
今若恃兵與險未見良圖守光不悅及莊宗有栢鄉  
之捷與諸鎮其使奉冊推守光爲尚父以檢其惡守  
光不悟謂藩鎮畏已仍以諸鎮狀送梁祖命使於

燕冊守光爲河北道採訪使梁使至守光令所司定尚父採訪使儀注所司取唐朝冊太尉禮以示之守光曰此儀注中何無郊天改元之事梁使曰尚父雖尊猶是人臣守光怒投於地謂將吏曰方今天下鼎沸英雄角逐朱公創號於夷門楊渭假名於淮海王達自尊於巴蜀茂貞矯制於歧陽皆因茅土之封自假帝王之制然兵虛力寡疆場多虞我大燕地方二千里帶甲三十萬東有漁鹽之饒北有塞馬之利我南面稱帝誰如我何今爲尚父孰當帝者公等促具帝者之儀予且爲河朔天子燕之將吏竊議以爲不可守光置斧鑕於庭曰從我者賞橫議者誅孫鶴曰臣不敢阿旨以誤國家守光大怒推之伏鑕鶴大呼

曰百日之外有急兵矣守光命窒其口寸斬之識者  
爲之嗟惋乃悉召部內官吏教習朝儀邊人旣非素  
習舉措失容相顧誚笑八月守光僭號大燕皇帝改  
年曰應天十二月莊宗遣周德威出飛狐會鎮定之師  
以討之攻圍歷年屬郡皆下守光堅保幽州求救於  
梁北誘契丹救終不至十年守光遣使持幣馬見德  
威乞降又登城呼曰子侯晉王至即出城十一月莊宗  
親征軍騎臨城召守光曰丈夫成敗須決所向公將  
何如守光曰某俎上肉耳莊宗愍之折弓爲盟許其  
保全守光辭以佗日莊宗乃令諸軍四面畢攻莊宗  
登燕太子墓觀之俄而數騎執仁恭并其孥來獻檀  
州遊弈將李彥暉於燕樂縣獲守光并妻李氏祝氏

男繼珣繼方繼祚等來獻莊宗方宴府第引仁恭  
守光至席父子號泣謝罪莊宗慰撫之曰往事不復  
言人誰無過改之爲貴乃歸之傳舍晉人執守光  
及仁恭露布表其罪驅以班師十一年至晉陽仁恭父  
子荷校於露布之下莊宗以仁恭守光徇都城告南  
宮七廟畢守光與李小喜鄭藏斐劉延卿及其二  
妻皆伏誅拘送仁恭至代州於武皇陵前刺心血以  
祭誅於鴈門山下自仁恭乾寧二年春入幽州至天  
祐十年父子相承十九年而滅

劉陟其先彭城人祖仁安仕唐爲朝州長史因家嶺  
表父謙以軍功拜封州刺史兼賀水鎮使長子隱幼而  
竒特隱卒連帥劉崇龜聞其才署爲右都校復領

賀水鎮俄兼封州刺史用法清肅威望頗振梁開平  
初遷檢校大尉兼侍中封大彭郡王梁祖郊禋禮畢  
加檢校太師進封南海王四年卒陟隱之弟隱卒代  
據其位梁末帝嗣位務行姑息之政乃盡以隱之官  
爵授陟陟盡有山嶺表之地及聞錢鏐冊封吳越王  
陟恥稱南海之號貞明三年僭號於廣州稱大漢改  
元乾亨改名巖唐同光三年白龍見南海改爲乾亨  
九年爲白龍元年陟又改名龍共以竹龍瑞四年又改  
元大有十四年有梵僧善占謂陟不利名龍共又改名龔  
龔讀爲儼古文無此字蓋妄撰也陟性雖聰辨然好  
行苛虐至有炮烙剝剔截舌灌鼻之刑惟厚自奉養  
廣務華靡末年起玉堂珠殿飾以金碧翠羽嶺北

行商或至其國皆召而示之誇其壯麗晉天福七年  
陟卒僭號二十六年年五十四偽謚天皇大帝廟號高  
祖陵曰康陵子玠嗣

玠陟長子陟卒遂襲偽位為其弟晟等所殺在位  
一年偽謚為殤帝

晟陟第二子玠之立也多行淫虐晟與弟昌同殺玠  
自立為帝改元應乾晟率性兇暴得志之後專以威  
刑御下多誅滅舊臣及其昆仲數年之間宗屬殆盡  
又造生地獄凡湯鑊鐵床之類無不備焉及湖南馬  
氏昆弟口戈晟因其讐募遣兵攻桂林管内諸郡及  
柳連梧賀等州皆克之自此全有南越之地周顯德  
五年晟卒偽謚文武光聖明孝皇帝廟號中宗陵曰

昭陵

張晟長子晟卒襲爲位改元大寶張性庸懦不能  
治國政事咸委於閹宦復有宮人具冠帶預職官  
理外事者由是綱紀大壞皇朝開寶三年夏王  
師始議南征四年二月五日王師厭廣州張盡焚其  
府庫將赴火而死旣而不能引決尋爲王師所  
擒舉族遷於京師皇上赦而不誅仍賜爲恩信  
侯其後事具皇家國史陟始自梁貞明三年僭  
號歷三世四主至皇朝開寶四年凡五十五年  
而亡

劉宗太原人漢高祖從弟少無賴好陸博意錢之  
戲弱冠隸河東軍唐長興中遷號州軍校漢祖起

義河東以崇爲特進檢校太尉行太原尹漢祖南行以崇爲北京留守隱帝嗣位加檢校太師兼侍中乾祐二年加中書令時隱帝以幼年在位政在大臣崇亦招募亡命爲自全之計朝廷命令多不稟行徵歛一方略無虛日人甚苦之隱帝遇害朝廷議立崇子徐州節度使贇爲主會周太祖爲軍衆所推降封贇爲相陰公周廣順元年崇僭號於河東稱漢改名旻仍以乾祐爲年號崇僭竊之後以重幣求援於契丹述律仍稱姪以事之述律僞冊崇爲英武皇帝及周世宗嗣位崇復乞師於契丹以圖入寇契丹遣將楊衮合勢大舉來迫潞州顯德元年周世宗親征與崇戰於高平大敗之崇遁崇年老力憊伏於馬



上日夜奔竄僅能支持距太原一舍其子承鈞夜  
以百人迎之而入及周師至城下崇氣懾自固閉壘  
不出月餘世宗乃旋軍顯德二年崇以病死其子  
承鈞襲偽位事跡具國史

通紀卷第十五